

**TEKS UCAPAN
Y.BHG. DATO' MADINAH MOHAMAD
KETUA SETIAUSAHA
KEMENTERIAN SAINS, TEKNOLOGI DAN INOVASI**

**EKSPO *MALAYSIA SCIENCE, TECHNOLOGY & INNOVATION*
(MySTI) 2011**

**PADA
JUMAAT, 29 JULAI 2011
DI
KUALA LUMPUR CONVENTION CENTRE**

**YANG BERHORMAT DATO' SAIFUDDIN ABDULLAH
TIMBALAN MENTERI PENGAJIAN TINGGI II**

**YANG BERBAHAGIA DATO' WEI CHUAN BENG
PENGURUS PIKOM**

**YANG BERBAHAGIA DATUK ABDUL WAHAB ABDULLAH,
KETUA PEGAWAI EKSEKUTIF MIMOS**

**YANG BERUSAHA ENCIK SHAFULBAHRIM SALEH
PRESIDEN PIKOM**

KETUA-KETUA JABATAN DAN AGENSI KERAJAAN

RAKAN-RAKAN MEDIA

TUAN-TUAN DAN PUAN-PUAN

**ASSALAMMUALAIKUM W.B.T, SALAM SEJAHTERA, SALAM
1MALAYSIA.**

**1. TERLEBIH DAHULU, BERSYUKUR KITA KE HADRAT ILAHI
KERANA DENGAN IZIN DAN LIMPAH KURNIANYA KITA DAPAT
SAMA-SAMA HADIR PADA PAGI INI BAGI MENJAYAKAN MAJLIS
PELANCARAN EKSPLO SAINS, TEKNOLOGI DAN INOVASI
MALAYSIA TAHUN 2011 ATAU SECARA RINGKASNYA DIKENALI
SEBAGAI MYSTI 2011.**

**2. BAGI PIHAK JAWATANKUASA PENGANJUR YANG TERDIRI
DARIPADA KEMENTERIAN SAINS, TEKNOLOGI DAN INOVASI
(MOSTI), MIMOS DAN PIKOM, SAYA INGIN MENGUCAPKAN
SELAMAT DATANG DAN TERIMA KASIH KEPADA HADIRIN
SEKALIAN TERUTAMANYA Y.B. DATO' SAIFUDDIN ABDULLAH,
TIMBALAN MENTERI PENGAJIAN TINGGI II YANG TELAH SUDI
HADIR DI SEBALIK KESIBUKAN DAN TUNTUTAN KOMITMEN
BELIAU BAGI MERASMIKAN PROGRAM YANG SANGAT
BERMAKNA INI.**

**3. PROGRAM INI ADALAH SANGAT SIGNIFIKAN DAN SELARAS
DENGAN USAHA KERAJAAN UNTUK MEMBAWA DAN
MENDEKATKAN SAINS, TEKNOLOGI DAN INOVASI KEPADA
RAKYAT. IANYA JUGA ADALAH BERTEPATAN DENGAN
MENINGKATNYA KEPENTINGAN PENGGUNAAN SAINS,
TEKNOLOGI DAN INOVASI DI DALAM KEHIDUPAN SEHARIAN
KITA PADA MASA INI.**

HADIRIN SEKALIAN,

4. KEJAYAAN MEREALISASIKAN PENGANJURAN MYSTI 2011 ADALAH DI ATAS KERJASAMA PINTAR DI ANTARA AGENSI-AGENCI MOSTI, KHUSUSNYA MIMOS YANG TELAH BERKOLABORASI DENGAN PIKOM BAGI MEMASTIKAN MYSTI 2011 DAPAT DILAKSANAKAN SEPERTI YANG TELAH DIRANCANG DAN BERJAYA MENCAPAI OBJEKTIF PENGANJURANNYA.

5. KERJASAMA SEUMPAMA INI SELAIN DARIPADA DAPAT MENERATKAN LAGI JALINAN KERJASAMA SESAMA AGENSI, IANYA JUGA PASTINYA DAPAT MENINGKATKAN KUALITI SERTA IMPAK DAN *OUTCOME* SESUATU PENGANJURAN PROGRAM.

HADIRIN SEKALIAN,

6. SALAH SATU DIMENSI ATAU SENARIO YANG PALING CEPAT BERKEMBANG DI DALAM KONTEKS KEHIDUPAN SEMASA PADA HARI INI ADALAH PENINGKATAN KESEDARAN ORANG RAMAI TERHADAP PERKEMBANGAN PERSEKITARAN MEREKA. INI DIPENGARUHI DARIPADA PENINGKATAN KUALITI HIDUP YANG TERHASIL DARIPADA MENINGKATNYA TARAF PENDIDIKAN MASYARAKAT.

7. PERSEKITARAN YANG BARU INI JUGA MENUNTUT LEBIH BANYAK MAKLUMAT YANG TEPAT PERLU DISALURKAN KEPADA MASYARAKAT DAN MOSTI JUGA PERLU TURUT SERTA DALAM ARUS PERKEMBANGAN INI. ADALAH MENJADI TANGGUNGJAWAB MOSTI UNTUK MENYEDIAKAN PLATFORM

YANG BERSESUAIAN DALAM MEMASTIKAN MASYARAKAT DISALURKAN MAKLUMAT SERTA ILMU YANG BERKAITAN DENGAN KEPENTINGAN SERTA PERKEMBANGAN SAINS, TEKNOLOGI DAN INOVASI NEGARA.

8. SEHUBUNGAN DENGAN ITU, PELBAGAI PROGRAM TELAH DAN AKAN DILAKSANAKAN OLEH MOSTI BAGI TUJUAN INI. SEBAGAI CONTOH, PADA TAHUN 2010, MOSTI BERSAMA RAKAN-RAKAN STRATEGIK YANG TERDIRI DARIPADA BEBERAPA KEMENTERIAN TELAH MELANCARKAN PROGRAM MALAYSIA INOVATIF.

9. PROGRAM YANG BERTUJUAN MENINGKATKAN INOVASI DI KALANGAN MASYARAKAT INI TELAH DIANJURKAN DI BEBERAPA BUAH LOKASI UTAMA SELURUH NEGARA DAN TELAH MENERIMA SAMBUTAN DAN RESPON YANG AMAT MENGGALAKKAN. BAGI TAHUN 2011, MOSTI TELAH MELANCARKAN PROGRAM PENGALAKAN SAINS DAN MATEMATIK 2011 DAN INI AKAN DISUSULI DENGAN PELANCARAN TAHUN SAINS 2012.

10. USAHA-USAHA INI TIDAK TERHENTI DENGAN PENGANJURAN-PENGANJURAN PROGRAM INI SAHAJA. MOSTI MEMAINKAN PERANAN PENTING DEMI MEMASTIKAN MASYARAKAT SEKELILING MEMPUNYAI LEBIH PENGETAHUAN MENGENAI SAINS, TEKNOLOGI DAN INOVASI.

11. SEBAGAI PERMULAAN, PROGRAM-PROGRAM PENDIDIKAN SERTA TURUN PADANG ATAUPUN “*OUT REACH*” TELAH DIPERKEMAS DAN DIPERTINGKATKAN LAGI. PROGRAM-PROGRAM PENDIDIKAN KEPADA MASYARAKAT INI JUGA ADALAH SELARAS DENGAN GAGASAN 1MALAYSIA YANG MEMBERI LEBIH KEUTAMAAN KEPADA KESEJAHTERAAN RAKYAT.

HADIRIN SEKALIAN,

12. PENGANJURAN MYSTI 2011 ADALAH MEDAN YANG SESUAI UNTUK MEMPERKENALKAN TEKNOLOGI-TEKNOLOGI YANG TERKINI SERTA HASIL INOVASI YANG ADA DI MALAYSIA. ADALAH DIHARAPKAN JUGA AGAR MYSTI 2011 MAMPU MENINGKATKAN MINAT SERTA KEYAKINAN MASYARAKAT SERTA PIHAK INDUSTRI TERHADAP KELEBIHAN DAN KEISTIMEWAAN TEKNOLOGI NEGARA.

13. MYSTI 2011 MENGHIMPUNKAN PELBAGAI ENTITI DI DALAM SEKTOR SAINS, TEKNOLOGI DAN INOVASI YANG TERDIRI DARIPADA PIHAK INDUSTRI, AKADEMIK SERTA AGENSI-AGENCI MOSTI YANG BERSEDIA UNTUK BERKONGSI MAKLUMAT MENGENAI TEKNOLOGI-TEKNOLOGI YANG TELAH MEREKA HASILKAN.

14. TEKNOLOGI-TEKNOLOGI YANG DIPAMERKAN JUGA TELAHPUN DIGUNAKAN OLEH INDUSTRI KETIKA INI SERTA TELAH MEMPUNYAI REKOD KEJAYAAN PENGGUNAANNYA.

15. SEHUBUNGAN DENGAN ITU, MYSTI 2011 DILIHAT BERPERANAN SEBAGAI PUSAT SEHENTI (ONE STOP CENTRE) UNTUK MEMBERI PELUANG KEPADA PENGUNJUNG MENINGKATKAN KEFAHAMAN DAN PENGETAHUAN MEREKA DI DALAM BIDANG SAINS, TEKNOLOGI DAN INOVASI SERTA MENDEDAHKAN MEREKA KEPADA TEKNOLOGI-TEKNOLOGI TERKINI YANG TELAH SEDIA ADA UNTUK DIAPLIKASIKAN.

16. DI SAMPING ITU, IANYA JUGA ADALAH BERTUJUAN UNTUK MENGGALAKKAN DAN MENCETUSKAN MINAT MEREKA YANG TERLIBAT SECARA LANGSUNG DENGAN SEKTOR SAINS, TEKNOLOGI DAN INOVASI AGAR DAPAT MENGHASILKAN CIPTAAN YANG BOLEH DIKOMERSIALKAN, MENJANA PENDAPATAN DAN SETERUSNYA MENYUMBANG KEPADA EKONOMI NEGARA.

17. SELAIN DARIPADA ITU, KITA JUGA BERHARAP AGAR PROGRAM INI DAPAT BERPERANAN SEBAGAI PLATFORM SERTA MEMBUKA RUANG DAN PELUANG KEPADA HASIL KEMAJUAN TEKNOLOGI NEGARA UNTUK DIKETENGAHKAN DAN DIJAYAKAN KE PERINGKAT ANTARABANGSA.

HADIRIN SEKALIAN,

18. PROGRAM MYSTI 2011 INI TURUT DILAKSANAKAN SECARA SERENTAK DENGAN *DIGITAL LIFESTYLE EXPO* ATAUPUN DLE YANG DIANJURKAN SEKALI LAGI OLEH PIKOM PADA TAHUN INI, HASIL DARI KEJAYAAN PENGANJURAN PERTAMA PADA TAHUN LEPAS.

19. PIKOM TELAH MENSASARKAN UNTUK MENJADIKAN DLE SEBAGAI EKSPLO BARANGAN ELEKTRONIK PENGGUNA BERTARAF DUNIA DENGAN MENYEDIAKAN SATU PLATFORM UNTUK PENYEDIA PERKHIDMATAN TEMPATAN DAN PENGGUNA BERKONGSI MAKLUMAT SERTA MEMPELAJARI TEKNIK-TEKNIK TERKINI DI DALAM INDUSTRI INI.

20. PADA TAHUN INI, PIKOM TELAH MENYEDIAKAN ENAM SEGMENT IAITU PAVILION 3C UNTUK BARANGAN ELEKTRONIK, KOMUNIKASI DAN KOMPUTER; SEGMENT 3D/LED UNTUK AUDIO VIDEO DAN PERALATAN HIBURAN RUMAH; SEGMENT DCIM UNTUK KAMERA DIGITAL, PENGIMEJAN DAN MEDIA; SEGMENT PERALATAN ICT DAN MULTIMEDIA, SEGMENT PERMAINAN ELEKTRONIK DAN JUGA SEGMENT PERALATAN MUDAH ALIH SERTA JALUR LEBAR.

21. JUSTERU ITU, SAYA BERHARAP AGAR KEDUA-DUA EKSPLO YANG BERLANGSUNG SERENTAK INI AKAN MEMBERIKAN NILAI TAMBAH BUKAN SAHAJA KEPADA PENGANJUR, PESERTA PAMERAN MALAH YANG LEBIH PENTING KEPADA PENGUNJUNG.

22. AKHIR KATA, SEKALUNG TAHNIAH DIUCAPKAN KEPADA JAWATANKUASA PENGANJUR YANG TELAH BERTUNGKUS LUMUS UNTUK MENJAYAKAN MYSTI 2011. SAYA PASTI, ANDA SEMUA TELAH MELETAKKAN SEPENUH USAHA DAN TENAGA UNTUK MEMASTIKAN KELANCARAN PROGRAM INI.

23. UCAPAN TERIMA KASIH JUGA KEPADA SEMUA YANG TELAH TERLIBAT SECARA LANGSUNG ATAU TIDAK LANGSUNG DALAM MENJAYAKAN PENGANJURAN MYSTI 2011. SEMOGA SEGALA INISIATIF DAN USAHA YANG KITA LAKSANAKAN INI AKAN DAPAT MENCAPAI MATLAMAT PENGANJURAN PROGRAM DAN MEMBERI MANFAAT KEPADA SEMUA.

SEKIAN, TERIMA KASIH.